


CAROLI  
CLVSII ATREB.  
ALIQUOT NOTÆ  
IN  
GARCIAE  
*Aromatum Historiam.*


EIVSDEM

Descriptiones nonnullarum Stirpium, & aliarum  
exoticarum rerum, quæ à Generoso viro FRAN-  
CISCO DRAKE Equite Anglo, & his observatae  
sunt, qui eum in longa illa Nauigatione, qua  
proximis annis vniuersum orbem circumiuit,  
comitati sunt: & quorundam peregrinorum  
fructuum quos Londini ab amicis accepit.



ANTVERPIÆ,  
Ex officina Christophori Plantini,  
M. D. LXXXII.







ILL<sup>ri</sup> AC MAG<sup>co</sup><sup>3</sup>

DOMINO BALTHA-

SARI DE BATHYAN

*hereditario Regalium Dapiferorum in*

*Vngaria Magistro, & S. C. R. Q. M<sup>ris</sup>*

*Consiliario &c.*

CAROLVS CLVSIVS A.



OBILEM virum Anglum,  
proximis his tribus annis  
vniuersum orbem circum-  
nauigasse, V. Mag<sup>am</sup> intelle-  
xisse arbitror: celebris enim  
fuit vbique de eius reditu fama.

E A, dum superiore anno in Anglia ef-  
sem, me permouit, vt nonnullam familia-  
ritatem cum iis ambirem, qui ipsum comi-  
tati sunt, aliquid de rebus, quas in longa il-  
la nauigatione obseruassent, cognoscere  
desiderans: quod amicorum quorundam  
sedulitate non modò mihi obtigit, sed ad  
ipsorum Præfectum Dn. FRANCISCVM  
DRAKE, nauis dominum aditū insuper ha-  
bui, qui plurima humanissime mecum cōtu-  
lit. Multa præterea cum Nobilis quidā Eliot  
cognomine, qui ei comes fuit, tum alij ex



Drake familia auditu periucunda retulerunt: sed maximè grata fuere, quæ ad *τοῦτον* studium pertinentia ab iis didici.

H O R V M omnium, tum aliorum quorundam exoticorum fructuum, quos in Britannica ista peregrinatione adquisivi breues descriptiones, & nonnullorū etiam icones in rei herbariæ studioforum gratiam exhibere, atque ad Notas quas in *Garcia* Aromatum historiam, post tertiam editionem, conscripsi, addere volui, non minus gratas eis futuras sperans, aliis lucubrationibus prius in lucem à me editis.

C E T E R V M, quoniam V. Mag<sup>am</sup> huiusmodi rebus delectari scio, ipsius nomini nuncupare libuit, cōfidens in insigni quam instruit Bibliotheca, locum etiam illis inter reliquos libros concessurum: & tenuem istam, pro plurimis in me collatis beneficiis grati animi demonstrationem boni consulturum.

Q V O D vt facere non grauetur, plurimū oro, illi à Deo omnia felicia exoptans.  
Viennæ Austriæ, Cal. Ian. M. D. LXXXII.

C A R O.



CAROLI CLVSII<sup>s</sup>  
ATREBATIS IN ARO-  
MATVM HISTO-  
RIAM NOTÆ.

**B**ETRE, *Areca*, & *Indicas* nuces  
sive *Coccos* ferentis arborum icones,  
ante multos annos in Belgium ad me  
misit C. V. Alphonsus Pancius p.  
m. Ill<sup>mi</sup>. Ducis Ferrariae olim Me-  
dicus. Sed cū eas fictitias esse exi-  
stimarem, neque secunda, neque tertia editione, Aro-  
matum historia inserta fuere.

CVM superiore porro anno sermones conferrem  
cum ornatissimo viro, multisque peregrinationibus  
claro Dn. Fabricio Mordente Salernitano, qui ali-  
quot annis Goe vicin<sup>isq</sup>. in India locis vixit, in men-  
tionem earum arborum quæ istic nascuntur incidi-  
mus: de quibus sanè multa admiranda, & auditu mi-  
hi iucundissima differuit. Protuli itaque Pancij ico-  
nes, ut illius iudicium intelligerem. Eas autem cū  
genuinas esse affirmaret, exceptis paucis notis quas ex  
ipsius admonitione corrigi iussimus, exprimi curavi-  
mus, & breues descriptiones in studiosorum gratiam  
adiunximus.

BETRE Cap. 18. lib. 1. Aromat.

ARBORIBVS sese implicat & circumvoluit  
Betre, easque scandit Hederae modo, cui perquam si-  
milia habet folia, teste Fabricio & pictura: fructum

Betre.








IN AROMAT. HISTORIAM NOTÆ. 7  
ex foliorum exortu promit contortum ut Garcias re-  
fert & pictura ostendit. Cui cum similimus videatur  
fructus à Rasso mihi ante decennium donatus, eius  
etiam iconem oculis subiecinus.

ARECA Cap. 25. lib. 1. Aromat.

IN magnam altitudinem excrescit Areca arbor, Areca.  
trunco equali propemodum ubiq. crassitie, qui cortice  
integitur adeo leni, ut nullum ascensum præbeat, nisi  
aptatis ad pedes compedibus & laqueis, aut cincto per  
intervalla caudice vinculis quibusdam ex sparto aliâ-  
ue materia confectis, quemadmodum Garcias in nu-  
ces Indicas ferente arbore, quæ proximo capite descri-  
bitur, refert. Huius rami deorsum non inflectuntur, sed  
sursum vergunt, & incurvantur, ut procul intuenti-  
bus orbem quodammodo conficere videantur: folia pe-  
tinatim ramos utrimque ambiunt, alioqui Palmae  
similia. Fructus deni aut duodeni suis involucribus vil-  
losis recti dependent ex crassis et oblongis pediculis, qui  
in inferiorum ramorum alis nascuntur.

Mendam in tertia annotatione eiusdem cap. sic corrigito  
A. r. esset q. i. l. 4. c. 2. f. q. q. f. t. c. e, p. e. v. a, nisi postea  
causam subiiceret. A. S. &c. adde ad calcem eiusdem annota-  
tionis, Hæc ille de Sultano Cambaie, quem pater à cunabulis vene-  
no aluerat.







Cap. 26. lib. 1. Aromat.

Coccos ferens arbor Palma modo crescit, & Coccus.  
in altum tollitur: eius tamen caudex minime ut in  
Palma scaber, sed levis est. Eam ob causam subinde  
vinculis ligaturisque quibusdam ex sparto aut alia  
simili materia constantibus per intervalla cingi solet,  
eaque vincula ferreis clavis trunco interdum adfi-  
guntur, ut firminus hæreant, facilioremque ascensum  
prebeant: alioqui difficulter omnino scandi potest, nisi  
laquei pedibus aptentur. Rami ut in Palma deor-  
sum inflectuntur in arcum, dorsoque sunt elatiore,  
utrisque oris in anteriorem seu superiorem partem  
vergentibus, unde folia nascuntur Palma similia. Ex  
inferiorum ramorum, qua caudici connectuntur, alis,  
alijs nascuntur rami, qui quinas & senas proferunt  
nucis suo multiplici densoque velamine tectas.

PORRO adeo vicina interdum solent crescere  
Areca & Cocci arbores, ut earum rami mutuo sese im-  
plicantes, pulcherrima umbracula prebeant ad So-  
lis radios aestusque arcendos.

In his etiam commorantur plerumque simia & cer-  
copithecii, perque ramos ex una arbore in alteram  
transcendant, venatorum qui eas persequuntur cona-  
tus ea ratione subinde eludentes.

Mendam quæ eodem cap. in Historia Cocci apud Gar-  
ciam est, sic corrigito: a. f. q. i. a. f. u. c. a. p. lege: aut fasciis  
vinculisque quibusdam arbores per intervalla colligantes.

Ad secundam annotationem cap. 34. lib. 1. Aromat. adde.  
πατάλην verò Straboni Geograph. lib. 15. Insula est, quam  
Indus facit in duas partes diuisus, figura triangula: in qua  
vrbs est insignis nomine Pattala, à qua insula nominatur.







## ARBOR TRISTIS Cap. 1. lib. 2. Hist. Arom.

ET quoniam nobis multa etiam retulit de Arbore tristi, cuius naturam, dum istic esset, summopere est admiratus: illius ramum cum suis floribus exprimi iussimus.

ASSURGIT verò ea arbor interdum ad trium Arboris tri-  
hominum altitudinem, instamque crassitiem adqui- tis historia.  
rit: ramos habet multis alis concavos, & foliis myrti  
foliis quàm similimis onustos: in tenerioribus ramis  
nascuntur flores pediculis ex foliorum interna sede  
prodeuntibus inherentes, copiosi, hoc est terni, qua-  
terni, aut plures simul fere congesti, candidi, Jasmi-  
ni floribus forma magnitudinèque pares, foliisque mu-  
cronatis, ut illi, constantes, sed pleniores multiplicique  
foliorum textura, odoris fragrantissimi, & haud mul-  
tum à Jasmini florum odore dissimilis; noctu autem so-  
lent ij flores explicari, & oriente Sole, simulatque ab  
ipsis radiis illustrari incipiunt, ilico decidere, vel an-  
tipathia quadam, vel præ nimia succi tenuitate, quem  
solares radij absumunt: nam quos Sol non attingit,  
diutius in arbore herere solent. Studiosè verò colli-  
guntur ij flores propter odoris fragrantiam, & vitreis  
organis odoratissima ex illis aqua elicitor, que aqua  
de mogli dicitur asserente Fabricio, quoniam Mala-  
narica lingua arborem Mogli vocant, floresque idem Mogli.  
nomen mutuati sunt.

Eius fructum observasse negat: quem verò adpin-  
gi iussimus, sub finem anni 1579. missus est Viennensi  
cuidam mercatori pro fructu arboris Indice cuius flo-  
res odoratissimi noctu aperiuntur, & oriente Sole de-  
cidunt: quibus notis maxime ad Arboris tristic hi-  
storiam accedit.







CETERVM sub anni 1580. initium simile plantæ semen à C. V. Joachimo Camerario Viennam mihi missum fuit, quo terra commisso, duæ plantæ enatæ sunt, quas Septembri florere incipientes, repentinū gelu corrupit. Ipse verò Camerarius plures plantas nactus est, quæ flores quidem protulerunt, minimè tamen ad frugem pervenerunt, eiusdem gelu iniuria. Intellexit autem, si semen plenam maturitatem consequatur, autumno excidere, & sese plurimum propagare. Idem me huius plantæ floribus siccis nativum colorem retinentibus, & pictura ad vinum expressa liberaliter donavit.

PRIMUM è terra emergit ocymi, quod cereale nonnulli cognominant, aut Circeæ Lutetianæ fere modo, deinde caulem promit cubitalem, aut ampliorē, pollicari crassitudine, succulentum, firmum, ex viridi purpurascentem, frequenter uti Balsamina femina geniculatum, & in ramos frequentes divisum: folia in singulis geniculis bina ex aduerso semper nascentia, Siliquæstri ferè vel Circeæ Lutetianæ foliis admodum similia, succi plena, circa basim ampla, & per extremum mucronata, quæ gustata, foliorum siliquæstri gravem odorem, & tandem etiam acrimoniam propemodum referunt: flores in ramulorum alis singuli, oblongi, concavi, floribus Tabaci fere similes, nequaquam tamen in mucronatos angulos ut illi desinentes, verum in obtusos quemadmodum convolvuli flores, Tabaci floribus etiam ampliores, elegantissima interdum purpura nitentes, interdum flavi aut pallentes, nonnunquam etiam candidi, & plerumque binis coloribus in eodem flore elucescentibus, vel purpureo mediam floris partem occupante, vel virgatim totum florem intercurstante, vel tenuissimè

Iasmini Mex-  
icani histo-  
ria.







per eum asperso, odoris suavis, staminulis plurib. cum  
 stilo paulo longiore è medio flore emergentibus, caduci  
 admodum, & subito præsertim sub meridiem sese con-  
 trahentes florum convolvuli modo: calyculi flores am-  
 plectentes in quinque mucronatas lacinias sunt divisi,  
 virides, & quasi membranei, in quibus unicum semen  
 sua membrana siue pericarpio inclusum, quod ubi ma-  
 tuerit fuscum est, angulosum, tuberculisque quibus-  
 dam insignitum, & veluti corona exigua ornatum su-  
 periore parte, bacca myrti ferè magnitudine: radix,  
 tametsi annua duntaxat, satis crassa, intus alba, foris  
 nigricans, & fibris aliquot prædita, gustu nonnihil  
 acri, cui admista sit superficialis quedam dulcedo. Fl-  
 lud etiam in hac planta observatione dignum, quod  
 cum contabescit, integri articuli decidant, & circa  
 genicula interdum candida quedam efflorescentia  
 enascatur, que temporis successu concreta, salis sapo-  
 rem refert: cuius nota idem Camerarius candide ad-  
 monuit.

Peregrina & perelegans est hac planta, nec ante  
 annum 1580. mihi conspecta. Eius semen Camerarius  
 ex Italia acceperat Iasmini Indici siue Mexicani  
 nomine: bacca Myrti ferè magnitudine, nulla mem-  
 brana siue pericarpio inclusum, & spontè ubi maturue-  
 rit, vel lenissima agitatione excidens. verum cum ni-  
 hil Iasmini præter odoris suavitatem, ad quam non-  
 nihil accedit, habeat, non video qua ratione commodè  
 hac appellatione insigniri queat. In Belgio, ubi etiam  
 feliciter apud nonnullos rei herbarie studiosos cum hoc  
 anno tum superiore crevit, Solanum odoriferum vo-  
 catum est: Hispani Marauillas del Peru, id est ad-  
 mirabilem peruanā appellarunt propter tam insignem  
 in eadē interdum planta florum varietatem: tametsi  
 quas plu-

Iasminum  
 Indicum, vel  
 Mexicanum.

Solanum o-  
 doriferum.  
 Marauillas  
 del Peru.



quas plurimas hoc anno in Hieronymi Scholiers suburbanis (unde unam exemptam delineari iussi, cuius hic iconem proponimus) Antuerpiæ, & Nobilis matronæ C. V. Hoperi I. C. viduæ horto Colonia conspexi; singula stirpes vel omnino rubros, vel è rubro & pallido simul permixtis coloribus distinctos protulerunt.

At quas postea hoc eodem anno 1581. circiter Cal. Octobr. in Ill<sup>mi</sup>. Principis Wilhelmi Landgraviæ Hassiæ &c. amplissimo & cultissimo horto Cassellis vidi, mira varietate colores mutare deprehendi. Nam licet unica planta centenos aut plures flores uno die interdum proferret, ne unus quidem (præter eos qui aut toti purpurei, aut pallidi erant) alteri similis erat: sed omnes colorum (tametsi purpureo & pallido constantium) varia mixtura inter se differebant: cum nonnunquam purpura medium quasi florem secaret, nonnunquam alterni, modo purpurei, modo pallidi radij totum distinguerent, aut interdum magnis, modo exiguis purpurantibus maculis vario situ et mixtura toti flores aspergerentur. Altero die (nam, ut diximus, caduci admodum sunt, & quodammodo ephemeræ, imò plerumque à meridie, præsertim per æstus, contrahuntur & flaccescunt) non minor in floribus recens enatis conspicitur varietas, & tamen si quis cum pridie decerptis, & inter chartas repositis conferat, colorum situ ab iis discrepare animadvertet. Tercio itidem die & subsequenter similiter: ut insignis ista mutatio magnopere me commoueret, & in summam admirationem raperet.

Hachal indi.

Illud autem mirum, ex eodem semine insignem istorum florum varietatem provenire. Peruanos Hachal indi crassa & in palato formata pronuntiatione nominare intelligo.



## FICUS INDICA.

SED quandoquidem in Indicarum arborum narrationem incidimus, silentio minime premendam duxi miraculo verè dignam eam arborem, de qua idem Fabricius apud me verba fecit.

IN magnam altitudinem unico trunco eoque admodum crasso assurgere solet: ramos deinde in omnia Ficus Indicæ historia. circum latera expandit, qui tenues quasdam fibras siue filamenta (qualia in Cuscuta vulgo nuncupata conspicimus) coloris, dum recentia sunt, cerei siue aurei demittunt. Iis, ubi terram attigerint, firmanantur, novamque quasi prolem generant: etenim magnam crassitiem paulatim adquirunt, & veluti in novos arborum candices transeunt, qui novos rursus summa sui parte in latera ramos spargentes, novis denuo fibris deorsum missis sese propagant. Sic alij deinceps rami in infinitum, ut interdum unica arbor suis propaginibus integrum ferre miliare Italicum in ambitu occupet, sitq; difficile, quæ primaria sit arbor, siue omnium istarum prolium parens diiudicare, præterquam ex trunci amplitudine, quæ nonnunquam in matre tanta est, ut trium virorum ultimis vix apprehendi queat. Verum non modò inferiores rami similes fibras spargunt, sed etiam in arbore summi: ideoque unica arbor densissimam silvam efficit. Sub eas autem arbores aditum sibi paraturi incolæ, fibras iam in truncos conuersas, tenuiores scilicet, exscindere solent, atque ea ratione veluti concamerationes & umbracula facere arcendi caloris gratia: adeo enim densis ramulis reliqui maiores rami luxuriât, ut solis radii nulla ratione penetrare queant: imò concavi istarum fornicum multiplicésque sinus scindunt inæqualiter inde resultantem aëra, quæ causa est ut Echo multis in locis ter atque etiam sæpius humanas voces reddat. Vidit verò, qui mihi refe-





rebat,



rebat, interdum octingentos aut mille viros, quo in numero ipse fuisset, unius huiusmodi arboris umbra tegi: atque affirmabat terna etiam hominum milia sub tali arbore latere posse. Folia fert in nouellis ramis mali cotonei foliis similia, superne viridia, inferne candicantia, & lanugine, uti illa, pubescentia, quæ mirum in modum ab Elephantis expetuntur, ideoque in eorum pabulum cedere solent. Fructus extremi pollicis articuli magnitudine, ficibus exiguis similis, colore foris et intus sanguineo, granisque, uti vulgares ficus, plenus, dulcis quidem & edulis, verum saporis minus grati quam ille: nascitur autem inter folia, quemadmodum vulgares ficus, hoc est in nouellis ramis, qua parte folia illis inhaerent.

Prouenit in insula Goa, locisque vicinis.

DISPICIENDUM superest an Veteribus cognita non fuerit hæc arbor, eiusque historia literarum monumentis tradita: quandoquidē illam Indie partem Alexandri Macedonis victoriæ Europæis etiam hominibus aperuerunt.

Q. CURTIUS lib. 9. Hist. rerum ab Alexandro gestarum, refert, Alexandrum Poro rege, & Hydaspæ amne superato, ad interiora Indie processisse. Siluas autem fuisse prope in immensum spatium diffusas, procerisque & in eximiam altitudinem editis arboribus umbras: plerosque ramos instar ingentium stipitum flexos in humum, rursus qua se curuauerant erigi, adeo ut species esset non rami resurgentis, sed arboris ex sua radice generate.

Indice arbores vastæ.

PLINIUS verò lib. 12. naturalis Hist. cap. 5. de Indicis arboribus agens, in hæc verba scribit.

Ficus ibi exilia poma habet. Ipsa se semper serens, vastis diffunditur ramis: quorum imi adeo in terram incurvantur, ut annuo spatio insigantur, novamque pro-

Ficus Indica  
Plinij.



paginem faciant circa parentem in orbem quodam opere topiario. Intra septem eam æstuant pastores, opacam pariter & munitam vallo arboris, decora specie subter intuenti, procule, fornicato ambitu. Superiores eius rami in excelsum emicant siluosa multitudine, vasto matris corpore, ut sexaginta pedes pleraque orbe colligant, umbra verò bina stadia operiant. Foliorum latitudo pelta effigiem Macedonica [quæ à Xenophonte hederæ folio comparatur] habet: ea causa fructum integens, crescere prohibet: rarûsque est, nec fabæ magnitudinem excedens: sed per folia solibus coctus prædulci sapore, dignus miraculo arboris: gignitur circa Acesmem maxime amnem.

Meminit & lib. 7. cap. 2. Hac [inquit] facit vbertas soli, temperies celi, aquarum abundantia (si libeat credere) ut sub una fici turme condantur equitum.

STRABO item Geograph. lib. 5. similem etiam arborem describit, tametsi nullo nomine insigniat, his verbis.

Indica arbor  
admirabilis.

India multas quidem admirabiles arbores fert, e quibus est, cuius rami ad terram propendent, foliis non minoribus clypeo. Onesicritus curiosius ea persequens quæ sunt in Musicana terra Indie australissima, refert arbores quasdam ingentes esse, quarum rami cum ad duodenos cubitos creuerint, reliquum incrementum prouum faciant, deflexi quorsque terram contingant, deinde terram subeant, ac radices agant veluti traduces, mox rursus in truncum exeant, à quo postquam aucti fuerint, in eodem modo flectantur, & aliam propaginem efficiant, rursusque aliam: & sic deinceps, ut ab una arbore longum umbraculum fiat, tabernaculo multis columnis nienti simile.

Ex quibus descriptionibus facile cuius colligere licet, eam arborem de qua nobis institutus est sermo, illos au-



illos auctores intelligere voluisse.

SED diligentius pressiusque Theophrastus, qui Alexandri coetaneus fuit, quique haud dubie eorum narrationes curiosè excepit, qui sub Alexandro in Indica expeditione militavit. Is enim simili planè modo, paucis duntaxat notis variantibus, Ficum Indicam describit, qualis illa arbor est, cuius historiam ex Fabricij narratione dedimus.

Plantarum igitur historiae lib. 4. cap. 5. sic ait. Indica autem regio arborem ficum vocatam sortitur, quæ e ramis radices demittit singulis annis, ut primo volumine retulimus: demittit autem non ex novellis, sed ex aniculis, atque etiam vetustioribus. Illæ se terra coniungentes, ceu sepem circum arborem faciunt, ita ut veluti tabernaculum condatur, quo etiam morari homines solent. Radices autem nascentes evidentissimè à ramis discernuntur: sunt enim candidiores, hirtæ, [δυσκαίαι] tortuosæ, binæque fronde foliatæ [διφύλλοι]. Item arbor comam supernam lasciviam gerit, [ἔχει δὲ τὴν ἀνω ἄβυσσον ποδῶν] totaque fornicato ambitu pulchrè orbiculatur, & magnitudine vehementer excellit: quippe umbram bino stadio facere fertur: & crassitudine caudicis, plerasque ultra quàm sexaginta graduum [ἑξήκοντα, pedis vestigiorum] orbem colligere, magna verò ex parte quadraginta. Folium pelta non minus habet, [potius ad similitudinem quàm ad amplitudinem referenda hæc comparatio] fructum admodum parvum, magnitudine ciceris, ficui similem: quamobrem Græci ficum eam arborem appellabant. Paucos verò admodum fructus fert, non tantum pro arboris magnitudine, sed etiam omnibus rebus. Nasceatur arbor hæc circa Acesinem amnem. hæc tenus Theophrastus.

Ficus Indica  
Theophrasti

Cap. 12.

CUM itaque tam multis notis Ficus Indica à veteribus



ribus descripta, cum admiranda huius arboris in India nascentis (cuius nomen vulgare sibi excidisse serio dolet Fabricius) historia conveniat, eo audacius illi Ficus Indicæ nomen indidi, præsertim cum illam ipsam esse certo mihi persuadeam.

GARCIA M autem illius nullam mentionem facere inter tot exoticas arbores locis Goanæ insulæ vicinis nascentes, quarum descriptiones in Aromatum historia aspersit, satis mirari nequeo.

Nos porro iconem ex Fabritij narratione, quam concinnè ex ipsius etiam indicio fieri potuit, adumbrare iussimus in studiosorum rei herbariæ gratiam.

CETERVM cum hac arbore cognationem habere videtur, quam Oniedus Indicæ historia lib. 9. describit his verbis Latine ex Italico expressis.

Mangle historia.

MANGLE arbor est inter eas quæ in occidentali India vulgo nascuntur selectissima, cum ad edificiorum fabricas, tum ad reliqua fabrilia opera. Crescit vliginosis locis, littore maris, & ripis fluminum torrentiumque qui in mare dilabuntur: folia habet pyri maioribus foliis similia, crassiora tamen, & aliquantum longiora: siliquas duorum palmorum longitudinis aut maiores, crassasq., Cassiæ solutiæ fructui pares, fusci coloris, pulpam medullæ ossium similem continentes, qua Indi aliorum eduliorum penuria vescuntur: etenim satis amara est, salubrem tamen cibum esse ferunt. Ego eius nihilominus esu in morbum incidi, licet adeo delicati palati non sim, nec ab iis cibis abstinere in penuria soleam, quibus alios vesci video: imo etiam nulla urgente penuria degustare soleo, ut commodius describere queam: eaque ratione hunc fructum degustavi, sed brutorum animalium & siluestrium hominum potius cibus est.

Admiranda est eius natura, plurimæ enim simul crescunt,



crescunt, multine eius rami deorsum vergere & in radices conuerti videntur: nam præter plurimos quos erectos foliisque onustos atque ab inuicem seiunctos ut reliquæ arbores habet, multis etiam aliis cum crassioribus tum tenuioribus aphyllis sese ad aquam usque demittentibus, & sub terra aut arena radices figentibus prædita est, qui ubi apprehenderint, alios ramos sursum vergentes proferunt: non enim minus firmiter hæret quam primarius arboris truncus, sic ut arbor multis caudicibus simul connexis constare videatur, egregio sanè spectaculo, & singulari huius arboris natura.

B 4

CARO.



## CAROLI CLVSII

ATREBATIS DESCRIPTIO-  
NES PEREGRINARVM NON-  
nullarum Stirpium, & aliarum exotica-  
rum rerum.

## ARBOR FARINIFERA.



*V*T nostras in Garciam notas miracu-  
lo digna arbor finiit: sic earum Stir-  
pium, quas hi, qui Generosum FRAN-  
CISCVM DRAKE comitati sunt,  
observarunt, descriptiones, ab arbore,  
cuius natura admiratione non caret,  
auspicabimur.

Arboris fari-  
niferæ histo-  
ria.

IN Tarenate ergo insula Aequatori proxima ad  
Arcticum polum vergente nascitur arborea quaedam  
planta, cuius truncus humana coxa crassitiem aequat, de-  
cem pedum altitudinem attingit, summo fastigio in or-  
biculatum caput brassica capitata instar extuberans, in  
cuius medutullio Natura quandam candidam farinam  
produxit ad illius insulae homines tenuioris fortune su-  
stentandos: eam etenim diligenter colligunt, deinde ad-  
fusa, siue inspersa potius modica aqua fermentant, pin-  
sunt, & in formulas quasdam coctili latere constan-  
tes immittunt longa serie, atque prunis accensis cir-  
cumquaque admotis & superetiam impositis coquunt.  
Sunt vero ij panes siue placentae interdum palma-  
res, unciali crassitie, quibus illius insulae incele cali-  
dis & recenter coctis vescuntur: at ubi induruerunt  
repida aqua macerantes pulvis modo edunt. Insipidi

ARBOR





B s

*saporis*



saporis esse, cum degustarem, hic panis mihi visus est: verum iniecto piperis aut cinamomi momento cum saccharo, nonnullis deliciae esse queat.

Eiusmodi panis bina fragmenta qualia nostri Morgani opera accepi, hac tabella exprimi curauimus.

#### CANCRI GRAMEN DEPASCENTES.

Cancr. ter-  
restres.

ANTE quam in superiorem insulam peruenirent, ad aliam quandam desertam, & multis altissimis arboribus consitam, aquationis gratia, & virium corporis fame afflicti reficiendarum causa appulerunt. In ea quum densas silvas ingressi essent, plurimos maiores cancrorum praegrandes cammaros inuenerunt gramen depascentes, & in arborum vento disiectarum canis, aut sub ipsis arboribus latitantes, quibus coctis & elixis famem, eos per multos dies prementem, auide explerunt. Eos autem praeter aliorum cancrorum morem in sicco perpetuo versari existimant: nam cum multos, dum in ea insula haerunt, aliquoties ad mare detulissent, atque in aquam abiecissent, subito effugere & ad pascua regredi obseruarunt.

Cancrorum  
insula.


Sita est ea insula sub ipsa aequinoctiali linea, inter Iauam maiorem & Moluccas, nomine quidem illis ignota, sed quam a cancrorum istius maxima copia repertorum nomine Cancrorum insulam nuncuparunt.

Beretini fru-  
ctus historia.

#### FRUCTVS BERETINVS.

IN eadem insula celsissimas inuenerunt arbores quercu maiores, foliis laurinis, crassis, splendentibus, & minime in ambitu serratis, quae oblongiusculum fructum ferunt, exiguis iligneis glandibus similem, nullo tamen calyce, ut ipsi referunt, inclusum, cortice tenui cinereo, interdum atro, tectum, nucleum continentem oblongiusculum, candidum, nullo (dum induruit) manifesto sapore pre-





pore preditum, tenui membrana tectum.

SIMILIBVS arboribus abundat Beretina insula illi vicina, ad quam postea delati sunt: à cuius incolis illarum arborum fructum, quem prius non attigerant, edulem esse didicerunt. Eo deinde more leguminum elixo, aut in farinam contuso, & pultis modo cocto & inspissato, alterius cibi penuria cum in ea insula, tum in navi famem subleuarunt. Eam arborem etiam alunt omnes Molucce insule.

Eum porro fructum, cuius iconem hac tabella exprimimus, cum C. V. Dn. Richardus Garth Cancellaria Londinensis Primicerius, vir insigni pietate & doctrina preditus, atque humanissimus, & optimè de me meritus, tum noster Morganus, mihi liberaliter communicarunt.

EORVNDem munere librum arboris habui tenuissimæ membrane instar candidum, quo omnis generis scriptura perinde atque vulgari papyro excipi queat.

Papyrus ex  
laua.

Eum in



*Eum in Jaua insula aliarum mercium permutatione  
Drake comites acceperant.*

## C A C A O.

Cacao.

CELEBREM etiam per uniuersam Americam mul-  
tisque vsus fructum, Peruanae provinciae littora legentes,  
secum detulerunt Cacao appellatum, cuius cum lucu-  
lenta descriptio apud Benzoniem extet, qui miles aliquot  
annis noui orbis provincias peragravit, ipsius verba,  
uti ab Urbano Calueto Latina facta sunt, hic subii-  
cere libuit.

Pomum Ni-  
caraguae.

IN Nicaragua noui orbis provincia pomi quoddam  
genus peculiare est, neque Hispaniola, neque ulli alteri  
Indiae parti concessum. Pyri nostri specie ferme est, ligno  
interiore rotundo, nucis crassitudine, & dimidio am-  
plius, optimi & incundissimi saporis: arbor procera, exi-  
guis foliis vestitur.

Paradisus  
Mahumetis.

Hispani cum primum eam provinciam subegerunt,  
propter uberrimam omnium rerum ibi repertam co-  
piam, eam Paradisum Mahumetis nuncuparunt. Duo  
inter cetera fert haec tellus nulli praeterea Indiae regioni  
concessa, excepta Guattimala, Hondurensis provincia  
& Mexici finibus, totoque nouae Hispaniae tractu. Vnum  
Pauonum quoddam genus est, qui in Europam translati  
vulgo gallinae Indicae vocantur. Alterum, id quod Ca-  
cauatae vulgo vocant, quod monetae usum illis prabet.

Cacao hi-  
steria.

Id fert arbor modicae magnitudinis, nec nisi calido lo-  
co & opaco vivit. Simulac sole tactum est, contabescit:  
itaque fere in siluis umbroso & humido loco feritur: ne-  
que id satis, sed iuxta eius generis arborem aliam editio-  
re plantant: quae simulac adulescere coepit, eius cacumen  
ita cocinnant aptantque, ut adulta ea arbor Cacauatem  
inumbret, defendatque ita ab aestu, ut Solis radiis ladi  
non pos-



non possit. Fructus amygdalarum specimen referens, sili-  
quis quibusdam, velut cucurbitis, includitur, crassitu-  
dine & latitudine cucumeris, annuo spatio maturescit.  
Maturas eas ubi legere, excussam folliculis fructum su-  
per storeis expansum ad solem exponunt, donec humorem  
exsudaverit.

## C A C A O.



Potū ex eo confecturi, in testā fictili ad focum exsiccant:  
mox lapidibus, quibus pinsitur panis, contusum & cōmo-  
litum, fusumque in pateras (quæ cucurbitæ specie è cer-  
tis arboribus per omnem Indiam nascuntur) paulatim  
aqua temperant, atque interdum paululo pipere, quali  
vulgo utuntur, condiunt, eoque in potu utuntur. Por-  
corum ea verius colluvies quam hominum potio. Quam  
eam provinciam peragrarem, plusquam integrum an-  
num ab tali lora abhorruī: sed quā mihi vini copia non  
esset, ne semper aquā bibere cogerer, alios imitari didici.

Ea calia



Ea cælia sapore aliquantum amaro, satiat & refrigerat corpus, minimè tamen inebriat. hæc præcipua & carissima merx earum regionũ est: neque quidquam aliud Indi maiore in pretio habent, ubi quidem in usu est. Hætenus Benzo.

Amygdalæ planè similis est hic fructus suo putamine exemptæ, membrana tectus tenui, nigra, nucleo, qui in binas aut ternas partes diuidatur, subfusco & cinereis venis distincto, adstringentis & ingrati gustus: quare non mirum est, si qui primum degustant à potione ex eo confecta abhorreant, ego profecto puram aquam longè prætulerim. Eam tamen claris hominibus propinant, ut nos aromatites vinum solemus, referentibus iis qui pauculos fructus retulerunt, è quibus binos habui.

## WINTERANVS CORTEX.

VWinterani  
cort. cis hi-  
storia.

WILHELMVS Winterus qui Generosum FRANCISCVM DRAKE ad Magellanicum vsque fretum comitatus est, nec ulterius progressus, nauim cui præerat in Angliam anno 1579. reduxit, collectum istic corticem retulit, viliori Canellæ tum substantia, tum colore non admodum dissimilem, plerumque tamen crassiorẽ, & parte externa vel cinereũ, vel aliquando etiam fuscum, & ulmei corticis modo scabrum, interna nonnunquam dissectum & multis rimulis hiantem ut tilie cortex, interdum etiam admodum solidum & durum, odore non ingrato, sed gustu perquam acri, & linguam faucẽsque non leuius vrente quàm piper.

ILLIVS facultates nullas exploratas habuit: sed eodum recens esset, partim melle condito, ut acrimoniam deponeret, partim resiccato & in pollinem trito, ut in eduliis canellæ aliorumque aromatum vicem præberet, vsi sunt qui ea navi vehebantur. Postea tamen intel-

WINTER-





*lexi ad.*



lexi aduersus stomachacis siue scorbuti morbum, quo eorum nonnulli in illa navigatione affecti fuerant, optimo successu usos esse.

PLVRIMUM mihi accedere videtur ad Ligni aromatici corticem, cuius D. Monardes in *Simplicium historia* meminit, tametsi singularem illam odoris fragrantiam, quam suo cortici tribuit, in hoc deprehendere non potuerim.

#### DRAKENA RADIX.

Drakenę radicis historia.

SEM VNCIALI plerunque crassitudine prelongaque hæc radix est, subinde in nodos & inæqualia capita extuberans, & in summis capitibus, veluti è crassis squammis contexta, Dentaria enneaphylli (quam in Pannonicis describo) modo, foris nigricans, & rugosa duraque cum resiccata est, intus alba: fibris tenuibus sparsim nascentibus prædita, interdum masculis fractisque contumacibus, è quibus alij nodi dependent: nullo manifesto odore pollere deprehendi: sed gustu nonnihil adstringente & linguam exsiccante initio esse videtur, deinde diutius præmansa, tenuem suauemque acrimoniam in ore relinquit.

MAGNAM affinitatem habere videtur cum Radice S. Helene, de qua D. Monardes in lib. *Simplicium è nouo orbe delatorum*. Sed cum M. Eliot qui Dn. Drake comes fuit, Hispanos in Peru maximo in pretio habere, nec pretio redimi posse referat, ab iisque didicisse folia præsens venenum esse, ipsam autem non modo illius, sed reliquorum etiam venenorum antidotum esse, atque cor & vitales facultates roborare, si pollinis modo trita, manè ex paxillo vino albo hauriatur, ex aqua verò febris ardores mitigare: Earum facultatum ratione, valde conueniret cum Radicibus venenis aduersantibus, de quibus



DRAKENA RADIX.





quibus eodem libro Monardes: in his tamen aromaticum saporem & caloris gradum desidero quem iis radicibus tribuit.

I P S E Drake sanè, cùm mihi eas quas hìc exprimo, cum Peruano lapide Bezar donaret, summæ esse æstimationis apud Peruanos asserbat.

#### VARII FRUCTVS PEREGRINI.

DONATI mihi sunt ab amicis, cùm Londini essem anno 1581. peregrini aliquot fructus.

- I. HORVM maior ex eo genere est, quod in Annotatiuncula ad caput 26. lib. 1. Historiæ Aromaticum secundo loco descripsi; sed longè amplior, utpote qui ternas uncias longitudine superet, crassitie unam, altitudine duas fere æquet, alioqui forma & colore eidem planè similis: nempe crasso cortice seu putamine constans, inferiore parte sessili, rugoso, scabròve & cinereo, superna autem & gibba, leui, subrufo, vel potius spadiceo, ita ut animalculum duro corio tectum videatur: pregnans est, & nucleum intus cõtinet duas uncias longum, unam latum, geminum, extrema parte simul coherentem, tenui cinereaq; membrana tectum, materie firma ut amygdala aut castaneæ recentes, subfusca, pingui, & oleaginosa, odore satis iucundo prædita, & gustu non ingrato.

Balsami fructus.

Eum accepit Lusitanus quidam mercator Petrus de Frias nuncupatus à provincia Peru Prorege, pro fructu illius arboris in nouo orbe nascentis, ex qua Balsamum elicitur, cum ipso Balsami oleo. Verùm, si D. Monardes descriptioni credendum est, longè minor est Balsami fructus. Consule finem capitis 8. ipsius Hist. Simplic. ex nouo orbe delatorum, quam pridem Latinam fecimus.

- II. ALTER nucis inglandis fere magnitudine est, extrema parte latiusculus, totus rugosus, atque ut nucis in-

BALSA-



BALSAMI FRUCTVS.



C 2

*glandis*



glandis putamen inequalis, niger, sed magna ex parte veluti crusta quadam durissima & cinerea tectus: lenis est & minime ponderosus, tametsi admodum solidus sit, & saxea duritie praeclitus, nec minus in aqua subsidat quam lapis: confractus, crasso durissimoque cortice constare deprehenditur, & nucleum candidum, succulentum, grati saporis, iucundique odoris, oleum fere macis referentis continere, in binas partes sectum & tenui candidaque membrana diuisum, alia insuper paullo crassiore firmioreque inclusum.

Eiusmodi ante plurimos annos Antuerpia inter aromata inuentos memini.

III. MAGNAM similitudinem habet Tertius cum Prima nuce in Adnotationibus ad 26. cap. 1. lib. Hist. Aromaticum descripta, sed paulo minor est, angulosus, niger, crassioribus quibusdam firmisque villis ipsi incumbentibus & firmiter inhaerentibus obseptus, altera parte tribus foraminum vestigiis insignitus, quorum tertium maiusculum est & infra spectat: praeduro putamine constat & pragnans est, nam concussus crepitat & sonitum edit.

IIII. QVARTVS nucis auellanae magnitudine, & eiusdem colore, putamine duro, veluti in duas partes diuiso, nucleum intus continens.

Similes aliquando Granata in Hispaniis accepi ab Ill. Dn. Didaco ab Stuniga, recens ex Aprica (el peñon de Velez arce ab Hispanis occupata) delatos, nucleum continentes album, dulcem: quas ad Unguentariae nucis genus aliquod referendas existimabam.

V. QVINTVS, duntaxat nucleus est suo putamine siue cortice exemptus, firmus, tenui membrana fusca & multis venis distincta, firmiterque ipsi nucleo inhaerente tectus: ipsa materies firma est, candida, pulpa nucis indicata siue







dica siue Cocci similis, nullo quidem odore premita, sed satis grato sapore. Calidum in primo gradu, aut secundi initio arbitror.

VI. **SEXTVS**, orbiculari fere rotunditate & tanquam torno elaboratus est, ouo passerino minor, flavus omni ex parte, nisi in altera extremitate subfusca macula insignitus esset, solidus, lapideaque duritie, & in aqua subsides.

Priores quinque à Iacobo Gareto iuniore Aromatario, viro integerrimo accepi: Sextum ab humanissimo doctissimoque viro Dn. Ioanne Ritzio Ser<sup>ma</sup> Regina Angliæ Elizabethæ pharmacopœo, qui multis beneficiis dum Londini essem me affecit. Eum verò à C. V. Nicolao Rassio accepisse fatebatur.

AT postquam Viennam redi, inter multos exoticos fructus, quos, ut alia pleraque rariora, suis capsis inclusos adseruo: alios inueni quos à nemine adhuc descriptos existimo. Rem itaque minimè ingratam studiosis me facturum arbitratus sum, si illorum breues descriptiones, atque icones superioribus adiicerem.

**PRIOR**, Alteri iam memorato non admodum dissimilis est, sed minor, & ponticam nucem non excedens (tamen si inglandi fere equales videre meminerim) levis, splendens, cinerei coloris, & saxea duritie preditus, licet in aquam demersus supernatet, inequalis aliquantulum, & compressus, uti pisa quæ in eadem siliqua nata sese mutuo contigerunt.

**ALTER** ovalis, Iudaico lapidi magnitudine par, & eius formam exceptis striis pulcerrimè exprimens, ex rufo nigricantis coloris est, ut maiores nonnullæ galle, levis, & aqua impositus supernatans, duro putamine constans, ac nucleum continens.


**TERTIVS** illo minor, & mediocrem nucem anellam



.I.



.II.



.III.




.III.



.IV.





.VI.



.VII.









nam non excedens, orbicularis fere, nisi infima parte paulo angustior in triangularem veluti cuspidem desineret, colore alteri similis est, & tametsi levis, in aqua subsidens & immum petens, duro crassoque putamine constat, & nucleum candidum tenui fusca membrana retum continet.

Utrumque hunc anno humane salutis 1579. Londini nactus sum à nostro H. Morgano, qui ex ea Nigritarum in Aphrica regione quæ vulgo Guinea appellatur, & circiter quinque gradus ab equatore distat, eodem anno delatos asserebat: eam ob causam initio subsequentis anni, maiorem unum, & minores duos, quorum alter suo putamine exemptus erat, terræ in fictili credidit: sed neuter natus est, quemadmodum nec sequentium nonnulli, quos cum in Belgio, tum hic terræ commisi.

QUARTO spherica pene est figura, magnitudo fere uncialis, putamen crassum admodum & durum, perpetuis tuberculis undique obsitum; coloris flavescentis, linea eminentiore transversum secante, quam, ut in iuglandibus, putaminum coniunctionem & commissuram esse arbitror.

QUINTO plane spherica est forma, magnitudo vulgaris globuli bombardici, putamen eiusdem cum superiore coloris, & perpetuis similiter tuberculis, at non adeo crassis obsitum, nullaque linea cinctum.

SEXTVS, officinarum Nuce vomica maior est, planus idem atque similis coloris, nempe cinereus, superna parte paulo eminentior, & in ambitu quodammodo sinuosus, infima vero, quinque grana inter se disiuncta, & veluti ipsi impressa ostendens, mespilorum setaniorum officulis non valde absimilia, quæ exempta, satis alta lacunarum vestigia relinquunt. Totus lignea duritie præditus est.



SEPTIMI forma etiam plana est, sed à superiore discrepans, rugosa & nonnullis locis intumescens, color ex cinereo nigricans, qualis in nonnullis Cajous fructibus, quorum iconem & historiam libro Aromaticum cap. de Anacardio dedi. Is per medium sectus nulla grana, sed splendentem quendam nigrumque succum iam concretum & induratum duntaxat continere deprehenditur: itaque inter fructus potius vitia, quam inter fructus numerandum censeo.

Hos omnes cum Acacia vera siliquis & seminibus, parvis quibusdam conchylis, & aliis quisquiliis in Piperis repurgatione & delectu aliquando inuentos memini. Sequentes verò olim nono orbe delatos ex Hispaniis accepimus.

OCTAVVM, Pinei alicuius generis nucleos esse existimo, adeo nostratis pineae nucis sine strobili nucleos referunt, licet plerumq. nostris sint & longiores & crassiores: durum similiter putamen & idem color.

IN NONO quedam est varietas: nam alter altero maior & amplior est, licet color & forma propemodum eadem. Planus est & oblongiusculus, altera parte latior, altera angustior, glaber & laevis, totus fusci aut interdum spadicei coloris, nisi linea quedam candicans, qua parte suo fructui adhaesit (nam altero inclusus fuisse videtur) varium faceret: pragnans est, & sonitum edit.

Hi duo pepitas del Peru, id est, acinorum Peruano-  
rum nomine insignes missi fuere.

DECIMVS Cassiae solutinae, aut Ceratiorum semen magnitudine aequat, cui etiam forma persimilis est, sed tumidior aliquantum, & colore differens, qui in hoc egregie rubet ut in Oxyacantha fructu, solidus & durus, atque in aqua subsidens & immum petens: siliqua aut alio fructu inclusum fuisse arbitror.

Eum no-



*Eum nomine Mates accepi.*

POSTREMUM locum occupabit Phasiolus ille colore Macounæ simili, hoc est, ex spadiceo nigricante, sed planiore longiorēque forma, hilo non admodum magno, cuius ad Epistolam Petri de Osma Nicolao Monardes inscriptam, postrema editione memini, quique Divo Maximiliano II. felicissima memoria Cesari ex Hispaniis missus fuit Haba de India muy larga, id est, Fabæ Indicæ prælongæ nomine. Aqua mersus innum petit.

FINIS.



ANTVERPIAE  
EXCVDEBAT CHRISTOPHO-  
RVS PLANTINVS, ARCHI-  
TYPOGRAPHVS, ANNO CLO.  
IO. LXXXII. MENSE FEB.



